

BASES COMPETICIÓN DE SERIES

CONDICIÓN XERAIS

A 8ª edición do Carballo Interplay terá lugar en Carballo (Galicia) do 8 ao 11 de setembro de 2021.

Poderán presentarse a competición aquelas series producidas entre os anos 2019 e 2021 que teñan un mínimo de 3 capítulos emitidos no momento da inscrición.

Os episodios inscritos poden ser de calquera duración, temática, xénero, de imaxe real ou animación, nacionais ou internacionais.

INSCRICIÓN

A inscrición farase desde a web do festival www.carballointerplay.com cubrindo debidamente o formulario de inscrición en liña ou a través da plataforma online Filmfreeway.

A inscrición é gratuíta en todos os casos.

A data límite para a inscrición é o 15 de xuño de 2021.

Para a inscrición e visionado das series en idiomas que non sexan o galego ou o castelán é obrigatorio que cando menos estean subtituladas en inglés ou nun destes dous idiomas.

SELECCIÓN E MATERIAIS REQUERIDOS

De resultar seleccionada unha serie, a organización contactará cos seus creadores ou creadoras para solicitar o envío do/s capítulo/s en boa resolución e outros materiais promocionais a través da plataforma Wetransfer ou servizo similar.

Requeriranse os seguintes materiais promocionais:

- cartel ou imaxe promocional da serie,
- fotograma da serie,
- captura dun minuto de vídeo da serie
- vídeo dun minuto de presentación da serie.

Copias e proxección das series seleccionadas:

O formato de proxección será .mov o .mp4 (codec H.264), resolución: 1920x1080, taxa máxima de transferencia de bits: 20.000 kbps; audio ACC; subtítulos en galego ou castelán incrustados ou en .srt.

Os traballos que entren a concurso deberán estar subtitulados ao galego ou castelán no caso de non ser a versión orixinal en calquera destes dous idiomas.

XURADO

O xurado estará composto por profesionais do sector audiovisual e do mundo da cultura con traxectoria contrastada. A decisión do xurado é inapelable.

O xurado poderá deixar deserta de premio calquera categoría, outorgar mencións especiais ou declarar ex aequo algún dos premios.

PREMIOS

Os premios outorgados serán os seguintes:

- Mellor serie estatal: 800 euros e trofeo
- Mellor serie internacional: 800 euros e trofeo
- Mellor serie versión orixinal en galego: 800 euros e trofeo
- Premio do xurado novo: 400 euros e trofeo
- Premio do público: 400 euros e trofeo
- Premio a mellor guión: 200 euros e trofeo
- Premio a mellor dirección: 200 euros e trofeo

As series producidas en Galicia poderán optar aos dous premios de Mellor serie e Mellor serie VO Galego. En todo caso só poderán optar ao premio á Mellor serie VO Galego aqueles traballos cuxa versión orixinal sexa en lingua galega. A organización resérvase o dereito a deixar deserto o premio en caso de que non concorran a concurso un mínimo de tres series no devandito idioma.

En caso de que o xurado decida que dúas series resultan premiadas na mesma categoría a dotación económica repartirase a partes iguais entre as gañadoras.

Os premios estarán suxeitos ás posibles retencións fiscais que a lei estableza.

Ningunha persoa vinculada laboralmente coa organización do festival poderá presentar traballos, en caso de telos, a concurso.

OBRIGAS DOS/AS PREMIADOS/AS

Os/as creadores/as das series premiadas ou algún representante deles/as deberán estar presentes na entrega de premios no auditorio do Pazo de Cultura de Carballo. O festival comunicará a data e a decisión con tempo abondo para organizar a asistencia e farase cargo dos gastos de aloxamento dos/as premiados/as.

Como excepción, o/a gañador/a do premio internacional poderá enviar un vídeo para proxectar na gala.

CARBALLO INTERPLAY**FESTIVAL DE CONTIDOS DIXITAIS****VIII EDICIÓN****COMUNICACIÓN**

A organización resérvase o dereito de tomar unha mostra das series seleccionadas para usar no tráiler oficial, ademais do dereito sobre o uso dos materiais (fotogramas / fotografías / cartel, etc.) para a promoción (programa impreso, cartel, prensa, internet, redes sociais, etc.) deste.

DEREITOS DE EXHIBICIÓN

A organización dá por feito que os/as titulares das series presentadas ostentan todos os dereitos de exhibición e promoción das obras e materiais presentados e declina calquera responsabilidade con respecto á infracción desta norma. Ao enviaren os materiais a concurso os/as titulares/as están a declarar implicitamente seren os/as propietarios/as e estaren autorizados/as para utilizar todos os dereitos sobre a música, vídeo e efectos que figuran na serie. O festival non se fará responsable das reclamacións que xurdan do incumprimento dos/as creadores/as ou produtoras que presenten unha serie de non posuír axeitadamente os dereitos sobre o material que envíe.

ACEPTACIÓN DAS CONDICIÓNS

A participación no festival implica a aceptación destas bases.

ORGANIZA**CARBALLO: A UN PASO**
COSTA DA MORTE**DIRIXE E PRODUCE****CÓSMICA**
PRODUCCIÓNS